



DELEGERT SAK

Sakshandsamar: Jan Erik Boge	Arkivkode: FA-X26
Arkivsaksnr: 20/245	Løpenr: 21/9311
	Vedtaksdato: 19.11.2021

SAKSGANG

Styre, utval, komité m.m.	Saksnr
Delegert til administrativt nivå	215/2021

Forskrift om smitteverntiltak i Samnanger kommune

Vedtak:

Samnanger kommune vedtek forskrift om smitteverntiltak i Samnanger kommune. Forskrifta trer i kraft 22. november 2021 kl. 00:00 og gjeld til og med 20. desember 2021.

Vedtaket er gjort av ordføraren og rådmannen, i samråd med kommuneoverlegen i Samnanger kommune 19. november 2021 med heimel i lov 5. august 1994 nr. 55 om vern mot smittsame sjukdommar § 4-1 jf. Samnanger kommune sitt delegeringsreglement punkt 14.2 bokstav a.

Dokument som er vedlagt:

Forskrift om smitteverntiltak i Samnanger kommune Vestland 19.11.2021

Dokument som ikkje er vedlagt:

- Smittevernlova
<https://lovdata.no/dokument/NL/lov/1994-08-05-55>
- Delegeringsreglement for Samnanger kommune
<https://www.samnanger.kommune.no/innhald/politikk-og-hoyringar/for-folkevalde/>

Kva saka gjeld:

Som følgje av situasjonen med aukande koronasmittetal den siste tida, har Bergen kommune 19.11.2021 vedteke ei forskrift om smitterverntiltak. Forskrifta gjeld for perioden 22.11.2021 kl. 00:00 til og med 20.12.2021. I forskrifta vert det innført følgjande påbod:

- Skjenkestader, restaurantar, kafear, kantiner og andre serveringsstader skal føra oversikt over gjester.
- Krav om bruk av munnbind på butikkar, i fellesareal på kjøpesenter, på kollektivtransport og innandørs stasjonsområde og i taxi.

På koordineringsmøte 19.11.2021 kl. 08.30 mellom kommunane i Bergensregionen kom det fram at dei fleste av nabokommunane truleg vil følgja Bergen kommune og vedta tilsvarande forskrift og tiltak som Bergen. Dette gjeld mellom anna Øygarden, Askøy, Bjørnafjorden og Vaksdal.

Det må takast stilling til om Samnanger skal vedta ei forskrift om smitteverntiltak, og om forskrifta og tiltaka i så fall skal vera lik som Bergen kommune si forskrift.

Etter reglane i kommunen sitt delegeringsreglement har både formannskapet (punkt 6.5.1) og rådmannen (punkt 18.4.1) mynde til å ta avgjerder etter smittevernlova, så langt lova med føresegn gir høve til det. I tillegg har ordføraren og rådmannen etter punkt 14.2 i reglementet fullmakt til å setja i vert naudsynte tiltak for å avverga eller avhjelpa i ein krisesituasjon, på dei vilkåra som går fram i punkt 14.2.

Samnanger kommune har tidlegare i løpet av koronapandemien (i 2020) hatt lokale forskriftsbestemmelsar i nokre periodar.

I smittevernlova § 1-5 heiter det at: «Smitteverntiltak etter loven skal være basert på en klar medisinsk faglig begrunnelse, være nødvendig av hensyn til smittevernet, og fremstå tjenlig etter en helhetsvurdering».

Vurderingar og konsekvensar:

Det har dei siste par vekene vore ei rekke koronasmittetilfelle i Samnanger. Også i Bergensområdet har det vore aukande smitte dei siste vekene, mellom anna i Bergen. Det bør vera ei målsetting at det vert innført felles smitteverntiltak i kommunane i Bergensområdet, sjølv om smittetrykket ikkje er likt i alle kommunane.

Tiltaka som Bergen kommune har vedteke å innføra er ikkje veldig inngripande og truleg heller ikkje spesielt kontroversielle. Det vert vurdert som viktig å unngå nedstenging av samfunnet/aktivitetar, samstundes som det er nødvendig med tiltak for å redusera smittespreiinga og mogleggjera god smittesporing.

Det vil etter alt å døme vera ein fordel at Bergen og nabokommunane har nærmast likelydande forskrift og tiltak, mellom anna for å unngå kommunikasjonsutfordringar og forvirring hos innbyggjarane om kva tiltak og reglar som gjeld. Det er mykje kommunikasjon mellom Samnanger og Bergen, mellom anna reiser mange med kollektivtransport til og frå Bergen. Mange bergensarar reiser også både til og gjennom Samnanger, og handlar her.

Rådmannen har 19.11.2021 hatt dialog med smittevernlege Harald Ramm Salbu, som tilrår at Samnanger innfører same forskrift og tiltak som Bergen kommune. Rådmannen har 19.11.2021 også hatt dialog med ordførar Knut Harald Frøland, og ordføraren og rådmannen er samde om at Samnanger bør innføra same forskrift og tiltak som Bergen.

For Samnanger kommune vil følgjande punkt i Bergen kommune si forskrift ikkje vera aktuelt:

- Innandørs stasjonsområde

Ut frå reglane i kommunen sitt delegeringsreglement, vurderer rådmannen og ordføraren det slik at dei saman, og i samråd med kommuneoverlegen, har fullmakt til å vedta den aktuelle forskrifta om smitteverntiltak. Ut frå innhaldet i forskrifta kan eit slikt vedtak ikkje reknast å vera av prinsipiell karakter. Bjørnafjorden kommune har oversett Bergen si forskrift til nynorsk, og Samnanger vil bruka den nynorske versjonen.

Kommunestyret har møte 02.12.2021, og vil då ved behov kunne justera eller endra forskrifta.
